

B. N. C.  
FIRENZE

1033

26



1033.26

XXXVII

RVIN

.005



9

XXVII

XIII  
3

IRVIN

# ORATIO DE LAUDIBVS

S. D. N. PAVLI V. PONT.  
OPT. MAX.

Habita FLORENTIAE initio Pontificatus ipsius pro  
gratiarum actione, in Sacro Sanctissimæ Tri-  
nitatis templo, Nonis Iunij.

A. D. GERMANO RVINO Ord. Vallisumbrosæ S. Io. Gual-  
berti vtriusq; iuris Doctore, Metaphysicę primùm, ac Philo-  
soph & Moralis, deinde verò Sac. Theologię in almo  
Ticinensi Gymnasio primario professore.



FLORENTIÆ,  
Apud Franciscum Tosium. MDCV.

---

*Superiorum non sine consensu.*

# ORATIO DE LAVIBVS

SEBASTIANI FAVLI  
OPT. MAX.

Super Eucharistiae initio  
orationes, in sacro  
congregatio, 1611.

AL. SEBASTIANI FAVLI  
OPT. MAX. 1611.



SEBASTIANI FAVLI  
OPT. MAX. 1611.

# ILLVSTRISSIMO

D. ROBERTO

VBALDINIO.

Optimo heroicarum virtutū cultori, & Reuerendiss.

S. D. N. Papæ Cubiculario.

*D. Germanus Ruinus. S. P. D.*



APTIENTIVM approbatū,  
& vsitatum secutus morem,  
qui maximorum inclytam  
viroꝝ virtutem admirati,  
etsi nulla inter eos familiari  
tatis, vel amicitie intercedit  
consuetudo, eosdem tamen  
ob honoris debitam virtu

ti solutionem, nuncupationū notis, & litterarū monu  
mētis consueuerūt appellare. Eodem pacto (Rober  
te Vbaldini generis splendore, & omnigenum littera  
rum candidissime) fortunato, ac tuarum altissima  
rum virtutum secundo Neptur o, ac rumore fortiter  
excitatus, & vehementer impulsus, Orationē quam  
de amplissimis Beatissimi PAULI V. PONT. OPT.  
MAX. Laudibus composui, & Florentię nuper ha  
bui, tuo clarissimo donare, ac dicare non addubita  
ui nomini. Ipsa quidem præter eximias eiusdem

A z Sum.



Sum. Pont. laudes, & de Florentia, & de Ciuibus, & de  
Sereniss. Mag. Duce Ferdinâdo, & de Leone x i. auun-  
culo tuo magno nō nihil agit, vnde tibi optimo iure  
deberi videbatur: Nam & Florentinus es, & ciuis in  
primis nobilissimus, tua enim Vbaldinia domus à  
Caroli Magni stirpe descendit, vt ipse in suo testatur  
diplomate, & semper extitit ne dum illustri Mugel-  
li, & Apennini Alpium dominio, quo S. R. Eccle-  
siam fortiter est tutata, sed & plurimum Prælatorum,  
ac præcipuè Cardinalis Octauiani Vbaldinij totius  
Italiæ legati de laterè, qui, recuperata Parma contra  
Federicum secundum, & conciliata Mutina cum Bo-  
nonia totam Romandiola S. R. E. iterum acquisi-  
uit, atq; adiunxit. Originario deindè sub eiusdem  
Sereniss. Mag. Duc. Ferdinandi Dominio, & Etru-  
scæ Prouinciæ circumsepto, ac solido ortus, & natus  
es solo, quemadmodum & ego, vnde & satis possu-  
mus gloriari ambo nō solum de illius Serenissima iu-  
risdictione, & imperio, sed quia etiam nostra hæc Tu-  
sciæ religiosissima regio, antiquorum Romanorum  
puriolem, & nitidiorcm retinet sanguinem, cum præ  
alijs magnæ Hesperia regionibus minorem diuersa-  
rum, exterarumq; nationum passa sit mixtionē, atq;  
confusionem. Accedit, quod sicut Leoni x i. à se-  
cretis fuisti gratissimus, & magno apud ipsum in ho-  
nore, & pretio, vt sæpè ex eius ore audierunt multi,  
ita apud S. D. N. Paulum V. nunc primus, intimus  
& carissimus existis Cubicularius. Vnde tantum tuo  
dignissimo nomini mea hæc, vt vides, nuncupanda,  
& sacrandà erat oratio. Nam sicut alij alijs ( iusti-  
tia

tia ipsa sic distribuyente) propter magnam sacrarum  
litterarum scientiam laudum tribuunt coronam;  
Alij alijs ob eminentem vtriusq; iuris peritiã ingen-  
tia erigunt deaufata mōnumenta; Alij alijs ob insi-  
gne Philosophiæ, & cæterarum liberalium artium stu-  
dium lapideas, vel æreas in plateis collocant statuas;  
ita ipse tibi, in quo omnia hæc strictissimo sunt co-  
niuncta vinculo, omnia pariter donorum supradicta  
præmia tribuo, erigo, colloco, potius laudum tuarum  
testimonia in hominum pectoribus tractanda relin-  
quens quàm in illorū auribus & linguis meo tenuis-  
sime tubæ spargens sono. Qua iam receptui canens,  
patiaris obsecro pro tua in omnes litterarū amatores  
propensione, & solita regalis ingenij tui benignitate,  
tuiq; Leonis x i. suavi recordatione, & vera Pauli V.  
nunq; satis laudata commendatione, vt sicut in ar-  
cubus triumphalibus, vt nobiliores, & augustiores  
magis euadant, aliquæ maiorum superimponuntur  
imagines, & simulacra, sic & meo ignobilis, & impo-  
litæ orationis arcui tuā superimponam imaginem,  
tuum cleuem simulacrum, tuum clarissimū faciam  
præluere nomen, tuos radiorum fulgentissimos in-  
ducam splendores, tuum deniq; implorem patrocini-  
um, quo me à maleuolis defendas, & in eorum, qui  
te ex animo colunt, atq; obseruant numerum ascri-  
bere non dedigneris. Vale.





PAVLVS.V.P.O.M. BVRGHESIVS  
CREATVS DIE.XVI. MAII. MDCV.

# ORATIO

16



**M**ERIVCVNDVM ( Illustrissi-  
me, & equissime Prætor, Magi-  
stratus integerrime, admodum Reue-  
rendi Patres, & , quot quot adestis ,  
nobilissimi auditores ) gratulationis,  
letitiæ, atq; exultationis plenum, &  
redundans hodiè mihi se se offert ar-  
gumentum, magna dicendorum festiua, & ferta indicitur,  
paratur copia, & habendæ orationis ampla, insignis, & ce-  
lebris apponitur, & suscipitur prouincia. Dicturus enim  
sum de ingentibus, & egregijs Pauli V, in Summum Pon-  
tificem nuper electi laudibus, atque præconijs : de incredibi-  
li eligentium sapientia, iustitia, & integritate : de summa  
deniq; letitiæ meæ, & totius Vallimbrosensis familie in  
electum, & assumptum Pontificem hilaritate, ac volupta-  
te : quæ cuncta per se sunt iucundissima, & ad hanc hila-  
rem gratiarum actionem, quam solenniter agimus, & ce-  
lebramus aptissima, atque accommodatissima. Sed meo  
inest nihilominus præconceptæ, ac præhabitæ letitiæ cumu-  
lo ( ut sæpè humanis rebus accidere solet ) non modica per-  
turbatio concussio, atq; depressio, me tali, ac tanto oneri ( præ-  
nimia virium mearum imbecillitate ) non posse ex animi  
sententia respondere. Meus tamen hic animus ( Ah quid  
meus dixi? sed tuus potius, tuòq; Præsidentium regimini,  
ò mihi Vallimbrosana plurimis nominibus nuncupanda Re-  
ligio ) quid nunc erga tantum Pontificem summum gratitu-  
dinis, obsequij, officijq; adijcere, & conferre valeat atten-  
tabit. Adeste igitur animis omnes, ut adestis corporibus,

ac

ac quasi Deucalionis factum imitemini, ille lapides in mollia membra manu mutabat sua, vos inculta, ac rudia quasi saxea verba mea in roseam; suauemque orationem humanitate, ac benignitate vertite vestra.

Cum à nobis celsis ille fulgor, calorque solis recedere incipit tunc clare aspicimus omnia quodammodo statim exanimari, exsiccari, absumi. Terra suis omnibus ornamentis spoliatur, folia ex arboribus decidunt, herbe exarescunt. Cum vero iam sol propius ad nos suo aurato accedit curru, ecce iam rerum omnium incredibilem quandam, ac mirificam alacritatem, & exhilarationem. Iam pigra tellus se se aperit, & ridet, iam herbas virentes, flores amantissimos, fructus suauissimos emittit, & quo magis ardentis solis igneus inualefcit calor, tanto maturiores, atque uberiores fruges eduntur, & emittuntur. Præclaro narrata luminis fulgescunt splendore, si nunc ad Leonis XI. felicissime recordationis velocissimo, ac citissimo diuine mortis impetu præproperum occasum, & ad Paulum Villius felicissimum successorem oculos extollamus. Nam, quod caliginis, ac tenebrarum tibi, & orbi alterius celerrima, ne dicam repentina impressit mors, illud splendoris, ac lucis alterius restituit institutio: quodque decoris, & ornamenti Leo recedendo, secum abstulit, illud Paulus accedendo reportauit; quæque demum defloruere, atque exaruerè inopinato Leonis recessu; eadem hoc verno tempore Pauli iucundissimo floruerunt, ac viruerunt accessu. Neque hoc in admirationem, stuporemque adducere nos debet; quia si Leo XI. quasi senio confectus amplissimis liberalitatis, ac magnificentie muneribus aurea alterius Leonis auspicabatur reducere, ac renouare sæcula, quid spei in Paulo V. viuidioris ætatis, robustiorisque corporis

poris optatissimis natura donis apprimè exornato præconci-  
pere, ac præcogitare debemus? nisi ut ipse eò magis, ac ma-  
gis innatascat, corroboretur, & pinguior, uberiorq; non  
tantum liberalitatis, ac magnificentie, sed gubernationis,  
ac protectionis fruges ardentioribus radijs Urbi, & orbi affe-  
rat, & producat. Has purpuratorum sacratissimus Sena-  
tus pro totius mundi optimo, & monarchico regimine uber-  
rimas ex eo colligendas congregandasq; credit, speq; affi-  
citur certissima. Has & vniuersæ Christiani nominis gen-  
tes, ac nationes ut optant, ita maximè sperant, atque expe-  
ctant. Et inde confidunt, permanentq; certa in sententia  
cum Paulus V. veluti alter Paulus vas electionis, diuino,  
ac propè incredibili dei optimi maximi benefi- cio potius, quàm  
humana opera, vel industria, aut mortali consilio, pruden-  
tiæ sit eis in Pontificem datus, atq; electus. Diuina ete-  
nim beneficia plerumq; ampliora, & munificentiora sunt  
humanis desiderijs. Idq; est in causa, ut quamquàm (Bea-  
tissime pater) celsitudinem, atq; exaltationem quàm ma-  
ximè cupiui & exoptaui tuam, eandem tamen non valeo  
pro dignitate ad sublimia æthereaq; extollere sydera: nisi  
meum à diuina manu foveatur, tegaturq; desiderium. Si  
quidem præstantium tuarum laudum generosa, illustriaq;  
encomia tot tantaq; sunt, ut ego planè fatear, mearum,  
imò humanarum non esse virium, nec ingenij, illa nunc  
apud micantissimum tui numinis fulgorem, quem absen-  
tem, tanquam presentem alloquor, verborum apparatu, ar-  
gumentorum genere, vel amplificatione consequi. Nam  
quæ mens (excelsi patres) ex æquo venerari potest Ponti-  
ficem immortalibus præconiorum titulis decorandum? Pon-  
tificem, qui ad ipsam dignitatis Pontificiæ sedem appositè vi-  
detur

detur natus, & educatus? Pontificem, cuius altitudine con-  
filiij, nihil est tam arduum, tam difficile, tam profundum,  
quin facillimè, atq; expeditissimè concludatur, & perficia-  
tur? Pontificem, cuius ingenij vis, & celeritas nulli un-  
quam mortalium videtur fuisse concessa? Pontificè, cuius  
loquendi, & pronunciandi maiestas humanam conditionē  
quàm longissimè superat? Pontificem, quem deus nobis  
præbens, singulari quadam hoc seculum beneficentia est pro-  
secutus? Pontificem, cuius doctrinæ splendor, & maiestas  
tanta est, ut sicut nomen eius, ita & laus eius? Pontificè,  
quo sospite ( ut constans est hominum opinio ) reip. Christia-  
næ imperium sælix, faustum, fortunatumq; vigeat? Ve-  
rumenimvero ( quod meæ superest exiguitati, ac paruitati )  
eius beatissimam dignitatem, celsitudinēq; quanta maxi-  
ma veneratione possum humillimè genuflexus, prostratusq;  
saluto, ac mente integra, verāq; fide colo, atque observo.  
Insuper letissimam, ac beatissimam omnium hodiernam  
censo diem, in qua eius sanctissimam Maiestatem inter sæ-  
licissimos, & celestibus persimiles ordines in sublimi solio,  
& excelsa magni sode Tonantis ornatu Pontificio collocatā,  
& assidentem, ex hac pulcherrima totius orbis terrarum  
urbe Florentia, quæ letante cælo, & exultante terra ari-  
dum orbem florere facit contemplans, atque admirans, vo-  
biscum, nobilissimi auditores, præconceptum gaudium, le-  
titiamq; communico. O Utinam mihi modo vel Ciceronis,  
vel Demosthenis ornata suppeteret facundia, elegansq; Ro-  
scij pronunciatio, quibus ex debito narrare, & explicare  
possem suavisimos eius mores, optimam, & pulcherrimam  
corporis formam in figura mortali diuinitatis immortalis  
speciem præ se ferentem, singularem modestiam, clementiā,  
religionem



religionem, affabilitatem, integritatem, fidem, aequitatem,  
 constantiam, fortitudinem, admirabilem in rebus gerendis  
 vigilantiam, insignem in maximis negocijs dexteritatem,  
 sacrarum legum eminentiam inauditam animi magnitudi-  
 nem cum maxima liberalitate coniunctam, temperantiã,  
 heroicam. (Ut habet fama, quæ nõ solet errare) Virginita-  
 tis virtutem, qua excultè sicut diuus pollebat, & radiabat  
 Paulus, ita & sanctitas eius, illa eadẽ virtute, illo eodem  
 nomine singulariter studuit, & curauit pollere, ac radiare.  
 Ob id igitur benignissimus, & clementissimus deus Eccle-  
 siam vnicam sibi dilectissimam spõsam, & virginem spon-  
 so, & Virgini dedit, & cõmendauit. Cõmendo & ego in tã  
 ta hodiernæ festiuitatis solennitate, excelsas eius Origina-  
 riæ Senarum Urbis laudes, quas præ ceteris libentissimè,  
 si modò daretur tempus, ut datur animus, extollerem in  
 Guidum Bandinellum, Ramundum Ptolemæum, Anto-  
 nium Petruccium scientiæ militaris spectatissimos, & ma-  
 gnis comparandos imperatoribus. Extollerem in Ioannem  
 Columbinum Bernardum Ptolomæum, Patrem Stepha-  
 num inelycos sacrarum Religionum antesignanos, quorum  
 primus Iesuatorum, alter Montisoliueti, tertius Canonico-  
 rum Regularium sancti Saluatoris institutor fuit. Extol-  
 lerẽ denique in Alexandrum Tertium, & duos eiusdem  
 nominis Pios Pontifices maximos, qui admirabili vigilan-  
 tia Maiestatem sanctissimæ sedis tam egregiè, tam honorifi-  
 cè, tam gloriose tutati, eiq; patrocinati sunt, ut etiam nũ-  
 merorum vocibus ipsorum nomina concelebrentur, exalten-  
 tur, maximaq; in gloriæ fama versentur. Commendo, &  
 præclara nobilissimæ familie eius Burghesiæ encomia, ac  
 præcipuè miras, & egregias excellentissimi Marci Antonij



Patris eius, primarij in curia Romana aduocati, prærogati-  
uas notandas; æternæq; memoriæ prodendæ; disertis orato-  
ribus; ac fidelissimis scriptoribus: ipsi enim politioni; & ele-  
gantiori conscribent, exornabuntq; stylo, Quomodo à tam  
pauperum defensoria, & feraci planta hisce nostris felicis-  
simis diebus summus floruerit truncus, qui omnium totius  
orbis pauperum esset futurus protector, atq; acerrimus pro-  
pugnator: Quomodo ex eadem nobilissima arbore alij vi-  
rides, & pulchri filiorum pullulauerint rami: Quomodo il-  
lorum sublimitas, & excellentia explicanda, lucidioriq; cæ-  
dori sit reddenda: Quomodo magna literatissimorum ho-  
minum in ipsa semper affluerit copia: Quomodo eximij  
clarissimorum virorum tituli distinguendi, & adnotandi:  
Quomodo longa amplissimorum Magistratuum series te-  
xenda, quibus hæc semper Burghesia domus magnis coru-  
scæ lucis radijs emicuit, atq; refulsit. Vnde & commendo  
veracissimis Historicis, versatisq; Romæ aulicis publica  
munera Auditoratus Apostolicæ Camera, Prolegationis Bo-  
noniæ, Episcopatus Esinenfis, & Nunciaturæ, ut dicunt,  
extraordinariæ, in qua non nisi ardua, atq; inuoluta resol-  
uuntur, apud potentissimum Catholicæ fidei defensorem  
Philippum secundum Hispaniarum Regem, ab eo diligen-  
tissimè, ac religiosissimè peracta: Quid enim? talem in  
huiusmodi muneribus, & arduis legationum functioni-  
bus se præbuit, ac demonstraui, ut ad sacri principatus  
Cardinalitij culmen ipsum nunquam interituræ memoriæ  
Clemens Octauus, qui non nisi maxime idoneos ad Eccle-  
siasticas dignitatum celsitudines extollere solebat, promptè  
ac libenti animo promouit, atq; assumpsit: Tuncq; eidem  
Scotici Regni protectionis tradidit prouinciã suã ipsius  
omnibus

omnibus ferè Cardinalium Congregationibus assistentiam,  
 ac summam sui Papatus Vicariam commisit. Quibus in  
 nunijis, ac dignitatibus talem seipsum præstitit, qualem sa-  
 cere litteræ Cardinalem, & Summi Pontificis Vicem, &  
 pondus gerentem, ac sustinentem postulant, omni integri-  
 tate, ac probitate ornatum, omnibus ingenij laudibus cla-  
 rum, omnibus partibus, ac numeris absolutum, & ita ab-  
 solutum, & undequaq; perfectum, ut in eo nihil quod re-  
 prehensione dignū sit, reperiatur. Ob id sacratissimus totius  
 orbis senatus viginti ab hinc dies ad altissimū Petri Thro-  
 num unanimi, concordiq; voto, Deo Optimo Maximo sic  
 intus inspirante, ac mandante, extulit, atq; exaltauit.  
 Quem enim tempestate hac in tam eminenti sede opportu-  
 niū, ac digniū collocare poterat, Nisi illum, quem à pri-  
 mis annorum curriculis cælestem in terris vitā semper egis-  
 se manifestissimè constat? Nisi illum, qui propter sublimem  
 honorem, & excelsū omnium dignitatum culmen non in-  
 flaretur, nec humane conditionis obliuisceretur? Nisi il-  
 lum, qui non ob diuitiarum exuberantiam maiorumnè fa-  
 uores, aut amicorum postulationes sed ex sola virtute, ac  
 sapientia, quibus Romana Ecclesia maximè indiget, in Pe-  
 tri Cathedra collocaretur? Nisi illum, cui verè accidit,  
 quod olim M. Catoni accidisse traditur, qui quò minus glo-  
 riam petebat, eò magis, illam assequebatur? Nisi illum,  
 qui omnibus virtutibus redimitus ad defendendam, tutan-  
 damq; Romanam Ecclesiam esset animo infractō, atq; in-  
 concusso? Nisi illum, qui pro eadem Ecclesia varijs itineri-  
 bus per diuersas mundi prouincias omnem suam iuuenilem  
 ætatem in magnis laboribus, difficillimisq; casibus consum-  
 psit, atq; contriuit? Nisi illum, qui statim suscepto Pontifi-  
 catus

catus munere, ea quæ expeditionis grauioris celerem deside-  
rabant executionem curaret, atq; conficeret? Sicut iam, vix-  
dum pontificijs comitijs expletis, ingenti pecuniarum colla-  
tione parata, in opportunum imperatoris Rudulphi subsidium  
contra immanissimos Turcharum impetus, sibi, toti; Ro-  
manæ curiæ fallacium honorû impensas detrahens, largissi-  
mè est executus? Res quidè adeò illis hoc tempore grata, atq;  
exoptata, ut mihi iam ipsos audire cum psalmographo le-  
tissimè cantare videar. Annus redemptionis, Annus beni-  
gnitatis nostræ aduenit. De hoc illustrissimo sacrorum Se-  
natorum ordine, qui talem Pontificem nobis elegit, mihi nunc  
plurima honoris, & gloriæ plena essent celebranda, & ex-  
tollenda; Sed tenuitatis meæ mihi conscius, mea gracili  
aena, rudiq; oratione non audeo in tam latum, omniq; flo-  
rum virtutis genere refertum ingredi campum præsertim  
hac eadem hora, qua præpotenti Deo solennia gratiarum vo-  
ta sunt persoluenda. Hoc vnum in præsentia dicam. Cum  
optimum, sanctissimum, & omni virtutum genere claris-  
simum in Romanum Pontificem elegerint, tuto cõcludi pos-  
se videtur, cunctos esse optimos, sanctissimos, & omni vir-  
tutum genere clarissimos. Similes enim similes fouent, di-  
ligunt, adiuuant, & amplexantur. Pro qua electione li-  
cet Florentia hæc nostra, Italiæ Flos, & orbis terrarû thea-  
trum, ex suis vicinis amenis, & vitibus, & oleis confitis  
collibus, situ communito, & ad aspectum præclaro, cæli be-  
nignitate, & clementia, agris fecundis, hortis irriguis, ma-  
gnificis templis, ædibus, firmis ianuarum propugnaculis,  
amplis mœnibus, populi frequentia, artibus, mercaturis, inge-  
niorum acumine, bellica militum virtute, Academicarum  
Etrusci sermonis elegantia, scientiarû, & virtutû omnium  
splendore,

splendore, nobilium magnificentia, ac sui Sereniss. Mag.  
Ducis insignis potentie magnitudine, lacrymis obruta, mæ-  
rore confecta, animo consternata proprio orbata parente Leo-  
ne siliet x 1. tunc esset intenta, & occupata circa eiusdem  
luctuosum, ac deplorandū funus, (quale mundus antea se-  
mîle, ex lugubri funeraliū vnde quaque in præalto ingen-  
tiq; rogo magnificentia forsitan nec vidit, nec cognouit)  
Nihilominus Pauli V. statim audito creationis felicissimo  
nuncio. relicto plantu, squalore depulso, mærore dimisso, la-  
crymis, gemitibusq; exiccatis se ipsam eiusdem Leonini  
gaudij, ac letitie clarissimis induit, & ornavit signis, pro  
comperto habens Leonē x 1. phenicis more in Paulum V.  
vitalibus auris fuisse restitutum. Quapropter Sereniss.  
Mag. Dux Ferdinandus ciuitatem illico ingressus, animiq;  
alacritatis, ac letitie plenus, suas pluribus diebus munitis-  
simas constituit arces tonitrua æneorum tormetorum ingen-  
ti omnium applausu emittere; ignes in regiones aereas effun-  
dere artificiosos; plateas, & palatia clavis collucere ignibus,  
crebris micare fulgoribus, atq; luminibus, & grato tubarū,  
& campanarum circumsonante clangore, alijsq; letitie si-  
gnificationibus, & argumentis leta, ac festiua reducere  
vniuersa. Istis tunc in gaudiorum iucundissimis cancellis  
animo meo letissimè exultante, ad luminum, & vniuer-  
sorū patrem, a quo omne donum perfectum prouenit, ocu-  
los leuauī, Regioq; cū propheta dixi. Benedic anima mea do-  
mino, & noli obliuisci omnes retributiones eius. Quod. n. pre-  
cibus, atq; hostiarū sacrificijs de antiquo Ecclesiæ more an-  
tea omnipotēte Deū rogauī, nepe, vt cito bonū, ac iustū suæ ec-  
clesiæ suscitaret pastore eccē iā sumus cōsecuti. Nā Camillū  
suscitauit, qui sicut rei sacræ seruulū fert eius nomēclatura,  
ita, et nūc di-

diuino annuente, & approbante beneplacito, seruus seruo-  
rum Dei effectus est summus. Quam quidem egregiam  
Dei seruitutem apertissimo omine præmonstrare, atq; insi-  
nuare poterant præclara illa armorum Aquilæ, & Draco-  
nis ipsius insignia. Altiuiolans enim volucris celorum fo-  
res Petri clauibus pulsaturum, atq; aperturum præsagie-  
bat; ipsumq; apud inferos Tartarei regni vires inuasurum,  
nec hostis humani generis legiones contra eum esse præuali-  
turas. Camillus etenim ex Ardea (si Latino credimus poe-  
ta) Aquilæ alas pedibus adiungens Imperatorem veluti  
Draconem cum suis militibus ex arculis Romani Capitoli  
præciosissima quæq; atq; augustissima deportantibus, in-  
sequens fortiter oppugnando, ac vulnerando confodit, atq;  
prostrauit, & Capitolium patriamq; incolumem suis resti-  
tuit. Vnde auguror ita Pontificem nostrum, Baratri reuin-  
cto Dracone, apertis indeficientibus Indulgentiarum thesau-  
ris, Christianos omnes in Empyreum veri, triumphalisq;  
Capitoli, Urbisq; celestis Hierusalem feliciter esse introdu-  
cturum. Confirmant opinionem hanc meam, & meridia-  
na luce clarius comprobant nomini ipsius interpretatio-  
nes. Si quidem Camillus (ut iam audistis patres) mini-  
strationem ostendit sacram, & restitutam denotat salutem.  
Paulus rem significat excelsam, atq; mirabilem. Quin-  
tus tum ratione numeri duos continens binarios, tum eo in-  
signitorum nomine quiddam magnum insinuat, atq; decla-  
rat. Nec ex his vlla nos inuadat admiratio, cum ipso Chri-  
sto domino approbante, quando dixit Petro, & tibi dabo  
claues Regni Celorum, sit vnicus totius vniuersi Princeps,  
& summus (Apostolo teste) Pontifex ex hominibus assum-  
ptus, & pro hominibus constitutus in his, quæ sunt ad  
Deum

Deum, ut ipsi nos conciliet, illumq; iratum placet. Est enim sacerdos magnus, qui in tempore iracundiae factus est reconciliatio, & pro Deo in terris Monarcha, in quo omnes, ut in glutino quodam partium ad corpus mysticum copulamur, & in quo singuli ut membra sub uno eodemq; capite gubernamur, atq; illuminamur. Quare ab vniuersis Christianorum cetibus nunc de tanto, ac tali summo nobis à diuina prouidentia opportunè concessio Hierarcha altissimo Deo ingentia gratiarum dona sunt referenda. Ne nobis illa sacrarum scripturarum redargutiones obijciantur. Non glorificauerunt Deum, nec gratias egerunt. Populus verò meus oblitus est mei diebus innumeris. Obliti sunt Deum qui saluauit eos. Omnes igitur gentes plaudite manibus, & cantate Domino canticum nouum, quia Deus nobis praebens Paulum, id est, mirabilem, mirabilia fecit. Tu vero praecipue mecum Vallimbrosanum Collegium gaude, letare, exulta, ad sidera sustosse palmas, lauda, solennibus votis, & clum onera, gratias age Deo, & Patri, & quidem in hac die tua, ac letissima, & felicissima sanctissimae Trinitatis die à me opportunius, & deuotius exoptata, & à Reuerendiss. Praefide Generali nostro D.D. Prospero Bonmatheio libenter data, ut illo eodem die, eidem summae Maiestati gratiae agerentur, ac soluerentur maiores, à qua nobis proximis diebus noua progenies caelo demissa fuit, & eiusdem Ecclesiae suae artificiosissimi parietes viridi fronde pulcherrimis abiectum ramis, lilijs, rosis ligustris, & alijs suauissimis florum generibus, pictisq; diuersorum colorum tapetibus essent exornati, cantoresq; musicis symphonie instrumentis sonoras praedulcesq; sacrarum laudum extolleret. Voces, multitudo gentium inundaret, & ego celebriorem.



Et solenniore ex hoc suggesto, gratiarum haberem, Et co-  
lerem (ut meis erat in votis) actionem. Huius enim sem-  
per pie sententia fui: non decere in communi omnium laci-  
tia nostram hanc Vallimbrosensem Religionem Apostolica  
Sedi multis obstrictam beneficijs, maximis decoratam præ-  
rogatiuis, insignitam privilegijs tacitam, ac mutam in pro-  
fundo versari silentio, imò gestientem, miroq; persusam gau-  
dio maximè condecebat latari, exultare, Et gratias immor-  
sales Deo agere: ita enim piè, Et spontè susceptum me exi-  
stimabam perficere munus, si Deo in primis latissimè bene-  
ficia serenti debitum fructuum à nobis gratiarum, Et lau-  
dum solueretur pensum. Si unitati Ecclesiæ optimum gra-  
tiarum, quæ in omnibus, (Apostolo teste) sunt reddende  
ad memoriã reuocaretur exemplū. Si Illustrissimo Et Re-  
uerendiss. Cardinali Iustiano nostri ordinis Protectori vi-  
gilantissimo, Et integerrimo aliqua iterum spiritualis ad-  
deretur consolatio. Si paruulam Apostolico Pastori, iam  
pridem publicos Lecturarum mearum Ticinenses labores  
honorificè extollenti, aliqua ex parte gratitudinis ostenderē  
significationem. Si deniq; in hac nostra frequentissima Ec-  
clesia non nullæ pro Pontifice summo nuper electo precum  
orationes funderentur speciales, ac sacrificiorum immacula-  
tæ offerrentur oblationes: præcipuè cum per continua plu-  
rium annorum spatia, atq; curricula à præfata Apostolica  
Sede duos Cardinales, Et Episcopos, in sanctorum felicif-  
simum relatos numerum, obtinuerit, Petrum scilicet Ignēū,  
Et Bernardum Vberthiū cū plurium Episcoporum, ac bea-  
torum numerosa phalange, in qua miro decoris extollitur  
triumpho Beatus Aëtio olim Pistoriensis Episcopus, cuius di-  
uini officij solennitas nouissimè in eadem Pistoriensī Eccle-  
sia

X

sua quindecim ab hinc dies, summis honoribus fuit celebra-  
ta & à Reuerendiss. Episcopo, Canonicis, nostris Abbatibus,  
Magistratibus, ac, ut vno verbo dicam, à tota ciuitate  
finitimis, & adiacentibus populis religiosissime obseruata,  
& sanctificata. Sanctificamini & vos vniuerse a-  
gentes, & mecum trium Puerorum more in ardenti  
nica fornace vocemus, & appellemus creaturas om-  
ni defectibus vices suppleant nostras, & nobiscum benedi-  
& laudent, & superexaltent eum in sacula. Hæc mihi  
uerunt in mentem, de quibus vobis, humanissimi audito-  
res, pro electione Beatissimi Pont. Pauli V. congratularer:  
quæ si verbis, & oratione non satis expressa & declarata  
sunt, æquo, ac pio excipite animo, illius dicti memores in  
magnis non rei exitum, sed facientis voluntatem spectari  
solere. Reliquum est modo, ut precibus à Deo Opt. Max.  
omnium bonorum authore enixe contendamus, hæc hodiernæ  
orationum solennia vota, ac sacrificia pro obtento tanto  
Pontifice summo, Leto, ac benigno dignetur aspicere intuitu,  
atq; ei quietum felix, & tranquillum regiminis principium  
medium & finem largiri, & omnia prosperè, omnia fortu-  
natè, omnia beatè agere; Nestoresq; insuper annos concedere,  
inimicorum Ecclesiæ humiliatinnem dare, hæresum destru-  
ctionem, & præcipuè in inclyto Britaniæ regno, quod iam in  
veri Dei cultu mirè florebat, omnimodam extirpationem,  
& annihilationem tradere; Nobisq; vniuersis gratiam, &  
fauorem communicare, quo iucunditatem, lætitiâ, & exul-  
tationem, quam de illius suscepimus creatione, possimus con-  
uertere, non ad conuiuia, ebrietates, tripudia, & alia id ge-  
nus corporis oblectamenta, sed ad religionem, instructionem,  
iustitiam integritatem, innocentiam; Ad ferendam laboran-  
tibus



ribus opem, ad subleuandos oppressorum labores. His enim  
virtutibus omnipotens placatur Deus, qui ita placatus, &  
redditus beneuolus omnem huic Pontificatus pacem, tran-  
quillitatem, & felicitatem cumulatissimè concedet.

Pro qua orate, atq; iterum orate, & reliquas  
gratiarum actiones inchoate. Sic enim  
procul dubio succedent omnia,  
que nos humillimè Deum

Opt. Max. nostris

voris

Rogauimus

Dixi.



1033.26



Angelo Pandimiglio



restaurators

\*

\*

825650

\*

8274800

